

中國方志叢書·華南地方·第一九一號

據

民國·彭元藻修，王國憲纂
民國二十五年鉛印本

影印

廣東省

儋縣志



成文出版社有限公司印行



中國方志叢書·華南地方·第一九一號


據

民國·彭元藻修，王國憲纂
民國二十五年鉛印本

影印

廣東省

儋縣志



成文出版社有限公司印行



543162

中國方志叢書·華南地方·第一九一號

據

民國·彭元藻修，王國憲纂
民國二十五年鉛印本

影印

廣東省

儋縣志



成文出版社有限公司印行



10096540

sk5166

中國方志叢書·華南地方·第一九一號

據

民國·彭元藻修，王國憲纂
民國二十五年鉛印本

影印

廣東省

儋縣志



成文出版社有限公司印行



10096541

中華民國六十三年十二月臺一版

僑 縣 志 全四冊

發行人：黃 成 助

出版者：成文出版社有限公司

台北市郵政信箱二二六〇五號

台北市羅斯福路三段二四〇巷五號

印刷者：成文出版社有限公司

內政部登記證內旅台業字第一一四七號

民國廿五年五月

續修儋縣志

王國憲題



重修僊縣志叙

王國憲

僊耳爲漢武帝元鼎六年置郡閱漢魏六朝至唐及五代文化未開北宋蘇文忠公來瑄居僊四年以詩事禮樂之教轉移其風俗變化其人心聽書聲之琅琅絃歌四起不獨千山動鱗甲萬谷酣笙簧闢南荒之詩境也當時從學之姜王早卜其大破天荒問字之黎符常從遊於檳榔林下揚風扪雅僊暢遙吟動作起居悠然適意教化之移人所以能化稚魯以詩書教黎民之丕變也及考其施教之實授當時經義初行海外無書可讀編帙經說傳誦當時也猶析經傳異義參求也所成史論分明易曉也所成史斷淺近易解也大率明新王善之誠心嚮性善體驗見諸力行也中庸性道誠明之分統宗會元萬殊歸於一本也即至論斷諸子可以證經無取乎繁稱博采簡而明正而則也觀公之海外集中考證精更折衷王當可與韓文公之筆解朱文公之咸熙同傳不朽今吾引其遺訓而暢言之垂示後之學者知所取法文忠公之教澤流傳千古矣至修志體例前人已詳言不必贅

傳

日

記

集

續修僑縣志序

縣之有志猶國之有史也然國史祇總其大成網罕欠備若夫縣志則舉凡衣冠文物之盛衰社會制度之遷嬗山川形勢之險要風俗物產之殊異疆界經域之變遷城池都市之興替與夫村落佈置人類演進新陳代謝革故鼎新無不搜羅萬有悉舉靡遺雖曰往事陳迹然其所以表前代之推演爲後世之模楷使因乘相循以知興廢前車後鑑懲愆乃彰故治學者資爲材料爲政者倚爲準繩工商農藝悉資類察其意義與使命至爲重大僑縣雖僻處海隅然自漢武元鼎六年伏波將軍路博德平定南越置僑耳照筆路藍縷草昧經營以還在瓊崖十三縣中歷史最爲悠久迨宋代文豪蘇文忠公以事謫僑日與黎王諸賢笠屐往還唱酬吟咏大開文化而後飛黃騰達代有聞人如符趙爲瓊崖科甲之開端陳杜等十四人之並膺蒲輪薛氏之位至尙書以及六良六龍四雋三槐雙鳳三科二解一室三魁等韻事不勝枚舉其間嘉言懿行文獻鴻猷非僅足資後人之景仰而社會遞嬗世運推移設不有志以記之未免徒勞想像追溯無從再考儻之有志始於萬曆四十一年廣西孝廉

太守曾公邦泰搜羅散帙始訂正完備迄今已世遠年湮散失殆盡即自萬曆以至現在歷經朝代亦儘多事迹足資記述者去年四月元臺承乏是邦於籌措公務之餘因悉題志一書自清代及今時修時輟至曾前縣長友文復設局編修乃接見志周諸君以規模已備綱目畢張所有原任總務主任林君鐵英原聘總纂王君堯雲分纂謝君璵林陳君麥秋周君文海仍請繼續擔任俾續厥事並以經費拮据爲之竭力勸輸使董其事者無有司農仰屋之慮得以悉心採訪編纂不數月而書竟告成此乃歷任殷勤創締之功與志局董事諸君不辭勞瘁之力非元臺所得奏效也

惟能早觀厥成亦心滋慰焉爾書成徵序於予因書此以誌不謬

民國二十四年五月五日 會縣縣長彭元漢識

續修儋縣志序

縣志爲記載一邑山川區域人物風俗之專書使覽者瞭然知其詳儋縣通聲教於漢武帝元鼎六年開化最早而志籍無存攷獻徵文者每致歎曰焉去年四月余攝篆儋邑於治安建設之餘首以籌修縣志倡頗得地方人士之贊助計共需經費六千元因思如得各區鄉殷富之借墊俟志成銷售後將書價儘數以歸還則鉅款不難立集爰擬具預算案送縣參議會集議表決隨成立修志局以縣長兼任局長委仝林君銑英爲總務主任並就縣屬原有三十二里中每里遴選一人爲採訪復聘請王君堯雲爲總纂謝君瓊林陳君麥秋周君文海等爲分纂分工合作負責纂修本年四月余適奉檄調任普寧深以縣志不克完成爲惜閱五月始得志局函告脫稿并索一言以爲序余因此不無感念焉夫縣志之失修已數十年矣邑人雖亟亟於此然清季經鄉宦王雲清之纂修付梓未完而被燬民國六十復經知事梁葵倡修而罔效茲者人力財力非遠勝於昔而昇年之間目的竟達并得志同諸君子之

熱忱毅力曷克臻此今而後儋縣之山川區域人物風俗翔實昭垂班班可攷閱斯
志者曉然於僻處荒徼之古儋耳已有二千餘年之歷史豈不懿歟是爲序

中 華 民 國 二 十 三 年 雙 十 節 曾友文敘於普寧縣政府

續修儋州志前序

古者郡國州縣莫不有志夫志誌也誌之以示不忘也儋於秦時本屬嶺外至漢元鼎五年始隸版圖然而狃榛初闢風氣未開由漢而唐或置或廢其本末祇附見史傳無所謂志獨主五季海內鼎沸衣冠之族或謫或徙紛紛繼主朝藩之染無復鱗介之比故及宋紹聖間文忠蘇公以事謫儋子雲符林干肱之徒皆一時耆秀相與談讌往來未幾符確趙荆士霄諸人遂以科甲發瓊臺之軔李元記云學者彬彬無殊閩浙與不謬也然其時或昌化或南寧或郡或縣或分或合要置沿革尙無專志可攷惟有明正統五年併宜倫附瓊州輿圖始一會萬曆四十一年廣西曾公邦泰以孝廉蒞斯筴瓊郡憲副戴公郡守歐陽公以修志通檄各州縣曾公乃命學正與諸弟子學員搜羅散帙而訂正之爲綱二十有一爲目六十有九井井有條儋之有志實始於此國朝受命疆域沿明舊制而慎選官司以爲之守學校建置日以盛人物選舉日以隆賦役不苛兵防益固境無災異俗號醇良康熙二十有八年儒臣纂修

會典詔天下郡邑以志聞知州沈公一誠乃綴輯前志上之及康熙四十二年瓊州太守賈公有續修郡志之舉檄行到州州牧韓祐見前志版已蝕穢不堪印刷且諸事闕畧尙多迺謀諸紳衿確查前志所未及者彙輯重鑄上之郡守自此之後文明煥發或三科而兩解或一榜而數魁甲第聯鑣武魁並捷蓋二百年於茲矣而志尙未經續修其中如科第選拔歲貢各名次郡志及登科記目有實錄惟陵谷之變遷官任之久近城倉廟社之脩復學校祠宇之建造并泉村市之改易與夫水旱災異孝友忠義奇行淑文絕藝之待於表彰者正不一而足况韓祐公所修雖觀前志較詳而志建置則名缺村庄志秩官則目無鄉宦志麟族則珠遺大海志草木而材葉深山種種之待於補綴者更不得不亟爲籌議光緒己丑余以賜進士第歸乃謀於衆與東坡書院一時並舉奈爲衆所梗及余捧檄赴鄂諸紳已將書院備好而志書之修尙有待焉夫儋州爲蘇公過化之地書院因不可聽其圯毀志書豈可任其殘闕哉在庚子余自楚返與衆復申前議所志務在必成爰預書於首以爲嚆矢語云莫爲之前雖美弗彰莫爲之後雖盛弗傳諸紳勉力庶觀厥成可也

光緒二十六年庚子正月

王雲清序

續修儋州志後序

甲辰歲之正月二十日與閩州諸紳全會於經濟書院余時以修志之舉商之會皆
同聲稱是遂擇吉於三月初八日開局於考棚公選諸大紳李廉唐丙章恩貢謝尙
珍歲貢孫逢吉邢修敦職陳嘉謨廩生洪道南周秉禮附貢李展雲增生陳應芳與
余共十名各專任厥事而總其成於刺史某公尅日傳諭地方官有名山古跡美景
陳區神壇社廟祠宇家塾純儒碩德貞婦烈女珍禽奇獸瑞草花木靈祥異介各以
名聞由是報者踵至未數月而報悉告齊余與各紳乃將衆所報之事從實參究倘
有疑信不確則又親跡其地方以驗之然後分門別類照舊志所立綱目而詳錄其
下闕則補之複則刪之訛謬則正之散失則搜之新舊共集得一十一卷並付剞劂
以爲久遠計諸紳因請序於余曰州之有志猶國之有史而吾儕自漢始隸版圖其
去堯舜已千餘年至明始有文物則其去漢也又千餘年夫氣運無百年而不變方
其變而之盛也則日新月異如苗之生而秀而實生長各以其時故中國由盤古而
幾軒由堯軒而堯舜一概以一千年爲率若以吾儕例之則兩漢儋之盤古也宋元

儒之義軒也自明以及本朝儒之堯舜也聖人刪書斷自唐虞吾儒修志肇自明代雖曰人爲或亦造物自然之運是以自明至今疆域之廣建置之多學校之隆秩官之重兵防之固賦役之寬選舉之優人物之美雍雍焉有虞夏風由此以觀則吾儒之興正未有艾也觀以前日之志其修與續修皆由牧守以郡守之會通率成編無復鄉紳參酌故其爲志往往舉上而遺下詳城而畧鄉某人雖住某村而村名全闕土產乏錄理產而僧產偏遺相沿二百多年苟非亟爲增修則文章科第祠廟學塾豈亦可聽其湮沒茲幸某刺史以廉明蒞斯土政成之暇得與吾子參互考訂以成此舉增者增補者補纖悉具備而不失之煩冗採擇維殷而不傷於缺畧世之誦此編當直與禹鼎湯盤同爲寶貴可弗序其本末使後之人得知其所由來哉余遜謝不得因勉書此以爲後序云

賜進士出身戴分湖北即用知縣隨帶加一級州人王雲清月樵氏謹序

續修儋州志序

今歲甲申適

中憲賈公有續修郡志之舉蒙檄行州採錄古備軼事彙編重鐫姑見舊志舊版漫蝕蕪穢已不堪印刷而往日職員仕宦又闕畧滋多今郡志如奉續修則州志自宜遵照乃謀諸紳衿訪諸里老查前志所未及者亟爲增補仍舊分三帙總綱二十有一列目六十有九悉偕紳衿里老再三商榷論定成書凡輿圖星候地理民俗志一定不易者則因之至職官歷任之年期選舉薦拔之次序倉廩祠畧之修復會計徭役之經行與夫水旱災異忠義節孝之待揚藝文詩歌之堪錄者皆採而補之其間興革宜詳表揚從實毋容飾也見在無評俟論定也存疑不削重闕又也軼成還示紳衿里老毫無異議因弁數語以受梓人如闕備志者謂訪求未盡補叙少文無以樹一州雅望也或難辭若謂採錄徇私去留任意徒以博一日虛名也則則不敢

昔康熙四十三年臘月穀旦瓊州府儋州知州燕山韓祐并撰

按此字屬舊志及今多誤作祐